



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

Ritus, servandus, quando funus, præviis Vigiliis & solemni defunctorum  
Sacrificio, sepeliendum.

**urn:nbn:de:hbz:466:1-41233**

Ritus, quando funus post Vigilias & solemne Defunctorum sacrificium, sepeliendum est.

**O** Rdo deducendi funus observatur, ut supra. sed, Pag. 226.  
 quando Cantores Ecclesiam ingrediuntur, incipiunt Responsorium: Subvenite &c. Quo finito, Pag. 228.  
 ponitur feretrum in medio Ecclesie, ita ut defuncti pedes, si fuerit Laicus, sint versus altare majus; si vero fuerit Sacerdos, caput sit versus ipsum altare: & cereis accensis circa corpus, statim dicatur Officium Defunctorum, pro tempore, cum Vesperis, tribus Nocturnis, & Laudibus, ut infra ponitur. & duo ex Clero Pag. 239.  
 incipiant absolute Invitatorium: Regem cui omnia vivunt: Venite adoremus. Et repetitur à Clero, Regem cui omnia vivunt &c. Psalm. Venite exultemus &c. Et duplicantur Antiphonæ. Ad finem Officii, post Antiphonam Cantici Benedictus &c. Ego sum resurrectio, dicitur, Pater noster, secreto. Vers. Et ne nos inducas in tentationem. Resp. Sed libera nos à malo. Vers. A porta inferi. Resp. Erue Domine animam ejus. Vers. Requiescat in pace. Resp. Amen. Vers. Domine exaudi orationem meam. Resp. Et clamor meus ad te veniat. Vers. Dominus vobiscum. Resp. Et cum spiritu tuo.

Oremus.

**A**bsolve, quæsumus Domine, animam famuli tui ab omni vinculo delictorum,

G g

ut in



ut in resurrectionis gloria, inter Sanctos & electos tuos, resuscitatus respiret. Per Christum Dominum nostrum. *Resp.* Amen.

*Quod si corpus defuncti mane sepeliendum est, dum in Officio dicuntur Laudes, Sacerdos cum ministris paratur ad celebrandam Missam solemnem pro defuncto, si tempus congruens fuerit; ut in die Depositionis, in Missali Romano.*

*Finita Missa, Sacerdos, deposita casula seu planeta, & manipulo, accipit pluviale nigri coloris, & Subdiaconus accipit Crucem, & accedit ad feretrum, & se sistit ad caput defuncti, cum Cruce, medius inter duos Acoluthos seu ceroferarios cum candelabris & candelis accensis: & omnes alii de Clero veniunt ordinatim in gradu suo cum candelis accensis, & stant in circuitu feretri: tum sequitur Sacerdos cum Diacono & assistente aliisque ministris; & facta reverentia altari, sistit se contra Crucem ad pedes defuncti, retro astantibus ei à sinistris duobus Acoluthis, uno cum thuribulo & navicula incensi, altero cum vase Aquæ benedictæ & aspersorio, & Acolutho seu clerico tenente librum, absolute dicit sequentem Orationem.*

*Qui ritus etiam immediate post suprascriptam orationem, Absolve quæsumus, servetur, si corpus extra Missam vel à prandio sepeliatur.*

**N**on intres in iudicium cum servo tuo,  
Domine: quia nullus apud te iustifica-  
bitur



bitur homo, nisi per te omnium peccatorum ei tribuatur remissio. Non ergo eum, quæsumus, tua judicialis sententia premat, quem tibi vera supplicatio fidei Christianæ commendat: sed, gratia tua illi succurrente, mereatur evadere iudicium ultionis, qui, dum viveret, insignitus est signaculo sanctæ Trinitatis. Qui vivis & regnas in sæcula sæculorum. *Resp.* Amen.

*Deinde, Cantore incipiente, Clerus circumstantes cantat sequens Responsorium.*


**L** I bera me Do mine de mor te  
 æterna, in die illa tremen da: Quando  
 cæ li mo ven di sunt & ter ra: Dum  
 ve neris judi ca re sæ-  
 culum

G g 2





culum per ignē. *Vers.* Tremens factus sum



ego, & ti me o, dum discussio venerit,



atque ven tu ra i ra; Quando cæ li mo-



vēdi sunt, & ter ra. *Vers.* Dies illa, dies iræ,



calamitatis & mise ri æ, di es magna, &




a ma ra valde. Dum ve neris.



*Vers.* Requiē æternam dona e i Domine, &


lux





lux perpetua luce at e i. *Vers.* Li bera me.

*Dum cantatur pradiatum Responsorium, Sacerdos, Acolutho seu Diacono ministrante, accipit incensum de navicula, & ponit in thuribulum; & , finito Responsorio, Cantor cum primo Choro dicit:*



Kyrie eleison.

Christe eleison.

*Deinde omnes simul dicunt:*



Kyrie eleison.

*Mox Sacerdos dicit alta voce; Pater noster, &c. & secreto dicitur ab omnibus: & ipse interim, benedicto prius & imposito in thuribulum incenso, accipit à Diacono vel Acolutho aspersorium Aqua benedicta, & , facta profunda inclinatione Cruci qua est ex adverso, Diacono seu ministro genuflectente & fimbrias pluviæ sublevante, circumiens feretrum, (si transit ante Sacramentum, genuflectit,) aspergit corpus defuncti; deinde, reversus ad locum suum, Diacono ministrante, accipit thuribulum, & eodem modo circuit*



feretrum, & corpus incensat, ut asperserat: postea, reddito thuribulo, ei à quo acceperat, stans in loco suo, Acolutho seu alio ministro tenente librum apertum ante se, dicit: *Vers.* Et ne nos inducas in tentationem. *Resp.* Sed libera nos à malo. *Vers.* A porta inferi. *Resp.* Erue Domine animam ejus. *Vers.* Requiescat in pace. *Resp.* Amen. *Vers.* Domine exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

**D**Eus, cui proprium est, misereri semper & parcere: te supplices exoramus pro anima famuli tui *N.* (famulæ tuæ *N.*) quam hodie de hoc sæculo migrare iussisti: ut non tradas eam in manus inimici, neque obliviscaris in finem; sed jubeas eam à sanctis Angelis suscipi, & ad patriam Paradisi perducì: ut, quia in te speravit & credidit, non poenas inferni sustineat, sed gaudia sempiterna possideat. Per Christum Dominum nostrum. *Resp.* Amen.

*Si defunctus fuerit Sacerdos, in Oratione dicatur: pro anima famuli tui Sacerdotis, quam hodie &c.*

*Finita Oratione, corpus defertur ad sepulchrum; & dum portatur, Clerici cantant Antiphonam: In paradifum.*



radifum. *ut supra.* Quo finito, benedicit sepulchrum, <sup>Pag 230.</sup>  
 & prosequitur reliqua, qua superius præscripta sunt.

O F F I C I U M  
 D E F U N C T O R U M.

**D**icitur in Choro, in die Depositionis, & aliis diebus, pro temporis opportunitate & Ecclesiarum consuetudine, ut supra dictum est. In die vero Depositionis, & tertio, septimo, trigesimo, & anniversario, duplicantur Antiph. Et in fine Psalmorum dicitur, Requiem æternam dona eis Domine; Et lux perpetua luceat eis; etiam si pro uno tantum fiat Officium.

*Ad Vesperas absolute incipitur ab Antiph.*



Placebo Domino. ΕϩΘϩΑΕ.

*Psalmus 114.*

**D**ilexi, quoniam exaudiet Dominus: vocem orationis meæ.

Quia inclinavit aurem suam mihi: & in diebus meis invocabo.

Circumdederunt me dolores mortis: & pericula inferni invenerunt me.

Tribu-